

Mali Jamano

Fasujama kilin – Kuntilinna kilin – ņanneya kilin

MALI JAMANO LA SARIYAXULO

XONOKUWOLU

DANTEGELO.....	4
TALADULA I : BOLOXOSARIYALU NIN KETALU.....	6
DAKUN I : BOLOXOSARIYALU NIN FANMAHOOROYALU.....	6
DAKUN II : JAMANADINŊOLU LA KETALU.....	8
TALADULA II : JAMANO NIN FANMAHOOROYA.....	10
DAKUN I : JAMANO.....	10
DAKUN II : JAMANO LA HOOROYA.....	11
TALADULA III : LATEGELIFANGO.....	13
DAKUN I : JAMANAKUNTIGO.....	13
DAKUN II : GOFERENAMAN.....	20
DAKUN III : MARO.....	23
DAKUN IV : FANMARAFANGOLU.....	23
DAKUN V : SORODAASOLU NIN LAKANTALO KEBAXOLU ;.....	23
TALADULA IV : SARIYATAFANGO.....	25
DAKUN I : TOBENNIBALU.....	25
DAKUN II : SARIYATABULUNŊO LATAXAMALO.....	27
DAKUN III : SARIYA NIN TAXABULOLU.....	28
DAKUN IV : XA NATILIN TESILOLU MA MENNU BE WALEYALIFANGO NIN SARIYATAFANGO TE.....	30
TALADULA V : XA NATILIN KIITIFANGO MA.....	34

DAKUN I : TOBENNIBALU.....	34
DAKUN II : XA NATILIN SANTOKIITIBULUNBA MA.....	36
DAKUN III : XA NATILIN SARIYATAJUBA MA.....	36
DAKUN IV : JAMANO LA NAFULOLU SEGESEGELI KIITIBUNጆO	39
TALADULA VI : XA NATILIN SOTO, HADAMADINYA, NOKUWO, LONKUWO NIN LAMININጆO TOXOLABULUNጆO MA.....	40
TALADULA VII : XA NATILIN DUGUXULO TOBENጆA MA.....	43
TALADULA VIII : XA NATILIN GALLUTIGOLU NIN LAADALAMOXOLU MA.....	44
TALADULA IX : XA NATILIN FATAFINNA LA KILINYA MA.....	44
TALADULA X : XA NATILIN SARATIXANSAFELU NIN BENXANSAFE TANINጆOLU DUNA JAMANOLU FE	44
TALADULA XI : XA NATILIN LAKUTAYALO MA.....	45
TALADULA XII : XA NATILIN TOBENNI XEREXERENINጆOLU MA.....	45
TALADULA XIII : XA NATILIN WAXATILATANBI TOBENNOLU MA.....	45
TALADULA XIV : XA NATILIN TOBENNI LABANጆOLU MA.....	46

DANTEGELO

Mali fasujama hooroyaninŋo,

Ite men na lonkuwo nin nokuwo, xanŋolu nin diinolu siyayalo x'e fentigiya ;

Ite men b'e jangula i la san kiika taaraxo n'i benbalu la ;

Ite men keta mansabamarolu nin mansamarolu ketabaxo ti, mennu sigita jamano xono lonkuwolu n'a nokuwolu xan, bi moxolu nin sinin moxolu xa xan xa mennu ke sinsinnannŋo ti ;

Ite men man jina jamanadinŋolu kun, mennu niyo bota ŋandifasumaro to, fanmahooroya tutegebaxolu anin moxo mennu niyo tuta fasuwo lafaasalo kelo, sariyafango sigilo , politikiton kiika be benxanfango men to anin maraŋabeto xa mennu sababuya. ;

X'a la xoleya sifa kiika daaxaninŋo xan mennu xa deguwo lasi fango nin jamanadinŋolu ma;

X'a l'a xan xo yuruguyurugo nin jamano naafulo sunyalo si ke sababu ti xa xoleya dun jamano yiriwalibaarolu to ;

Xa l'a la xo jamanadinŋolu la ŋoxokunŋo n'i la xanbenŋo nafa xa bun bete, n'o si ke lanbelu, lonkuwo nin nokuwolu bunyalo xono ;

Ite men hammitokuba mun lafaasalo nin lakantalo sabatilo ti, jamana hooroyaninŋo la dunatokutunŋo men ke no mennu xo ;

Ite men xalixanŋo mu xa fasuwo kelo dun da la, wo ke si ke no miran ti men si je ŋa la walante men me je ŋa la, anin xa wulo sotolu lakanta bi moxolu ni sinin moxolu ŋen ;

Ite men na hammo mu hadamadinŋo la dunatokutunŋo newoyalo ti ;

I x'a n'anne xo moxolu wulilo men keta san 1991 Marisixaro tili 26 n'o bangeta benxanfango soto dolu la, xa wo sotolu lakanta anin x'e sinsin anin xa jamanadin'olu la hakilina kutolu du sinsin n'o mu yelemo dunno ti jamano maraja to;

Xa lahido ta hooroya, benjo jamano xono anin duguxulo lafaasalo to ;

X'a yita xo benxanfango nin diinolu be lakantanin jamano xono;

Xa lahido ta x'a si kewalelu waleya yuruguyurugo ni jamano nafafulo sunyalo xanma anin xa maranabeto sababuya ;

Xa lahido ta xa newoya dun dunatokutunjo keja nin lamininjo lakantalo to ;

X'a yita x'a sonta hadamadin'olu la boloxosariyalu xonokuwolu ma, wo safe men tata san 1948 desanburuxaro tili 10 anin fatafinna tonba la benxansafe taninjo xonokuwolu, san 1981 suwenxaro tili 27 ;

Xa lahido ta x'a si hadamadinjo la boloxosariyalu batu, xerexereninya la musolu , dindin'olu anin lojulatolu ta, wolu mennu be lategenin jamano, jamanakafolu nin duna sariyasafelu nin benxansafelu xono, Mali sonta mennu ma ;

Xa lahido ta x'a si nankatanjo bee kele mennu be tala xa musolu sagata ;

X'a yita x'a be tesitinin fatafinna kilinya waleyalo, xayiwo sabatilo, buludinoxomo to jamano, jamanakafo nin duna xono, jamanolu te fojoxonxolu nabolo xumajoxoya xono kiito batulo xono, xaajano, fasudin'olu la hooroya to ;

Xa nin sariyaxulu in sigi n'a dantegelo mu a dula do ti.

TALADULA_I : BOLOXOSARIYALU NIN KETALU

DAKUN I : BOLOXOSARIYALU NIN FANMAHOOROTALU

Sariyasin 1^{folo} : Malidinjo bee hooroyaninjo le be wulula, awa i bee xa xan boloxosariyalu nin ketalu to. Danfata man xan xa dun malidinjolu si te, xa tali ke boloxosariyalu ni ketalu la. Kewalo fen wo fen be jatilinna danfata dunno ma malidinjolu te, x'o sabaabo ke i bodula walante i siya, i balo kejalu, i la xan fotalu, i la xe nin musuya, i la diinekuwo n'i hakililalu ma, wo kewalolu bee be xonnin sariya fe xa si a danjo ma.

Sariyasin 2^{nanjo} : Hadamadin si man xan xa jnanxatan anin xa degu walante xa toxosi, wolu menna s'a lamaluya anin x'a lanbe tija. Hadamadinjo kilin wo kilin xa xan xa balu, x'a fan ta, xa lakanta anin x'a la lanbe tu a ja ma.

Sariyasin 3^{nanjo} : Fasuwo le xa xan xa dindinjolu tanga firilo nin wo joxon kewalelu ma anin x'e kisi i dunno ma kujaxukelalu la kafo xono.

Sariyasin 4^{nanjo} : Moxo si man xan xa nimatooro, xa jonyamuta anin xa marakujaxuya, x'a la hadamadinya toxosi.

Moxo wo moxo, fango la baarakela bee kilikilinna je nin kewale innu ke, i x'a ke i fan ma wo i bulata a la wo, sariya s'o tigo jangi.

Sariyasin 5^{nanjo} : Moxo si me diyakuwa no x'e la jamano bula.

Nanxatanjo be siginin moxo wo moxo xan x'o sabaabo ke a la politikisila sugandininjo ti, a la diinekuwo, a la siyakuwo xanma, Mali si wo tigo bisimila no.

Sariyasin 6^{nanjo} : Moxo wo moxo n'i xa xan xa muta x'e dataxun, wo tigo be yamaruyanin xa dogotooro sugandi men si jatemuta ke a la jangarukuwo la folo.

Moxo si me muta no x'e dataxun xa tanbin leere mugan nin naani xan, fo n'i kiititegela yamaruyaninjo xa lategelisafe la i xan.

Moxo si man xan xa dataxun kasobunŋo xono nin kiititegela man safe la i xan.

Sariyasin 7 ^{nannŋo}: Bee nin kiiti tilinninŋo xa xan wa kiito xa xan xa tege sarati haxxelama xono.

Lafasalo nin lafasabaxo talo be yamaruyanin sariya la moxo nomutaninŋo kabirin segesegelo kun folo.

Moxo si me muta no x'o sabaabo ke sikko ti walante bisigo ti, fo kiitibunŋo x'a latege x'a xoyiya x'a be jalaginin kuwo men na, o m'a no ti.

Nangilo be natilinnin sariya tijabaxo le ma. Moxo si me nomuta no, x'e muta, x'e dun kaso la sariya fe men sigita i la kewale keninŋo xo.

Sariyasin 8 ^{nannŋo} : sariya man fen wo fen xon, o me bali no. Awa moxo me diyakuwa no xa fen ke sariya man men yamaruya.

Sariyasin 9 ^{nannŋo} : Futuwo nin kore, wolu mennu mu hadamadinya sinsinnanŋo ti, wolu be lakantanin fango fe.

Futuwo be daganin xe nin muso le te.

Sariyasin 10 ^{nannŋo}: Maro, xaranŋo, baaradigo, baaro kelo, sigidulakuwo, diyanŋekuwolu, kendeya, sabatisilolu anin lakantalo mu boloxosariyalu ti mennu xa xan xa sabati jamanadinŋo bee nen.

Sariyasin 11 ^{nannŋo} : Fasudinŋo bee kilin wo kilin nin xaranŋo xa xan. Sariya s'a wajibiya dindinŋo bee xa dun lekolo la. Kenfanŋo la lekolisudayelo be yamaruyanin awa i xa xan xa lataxama sariya xono.

Sariyasin 12 ^{nannŋo} : I sidula, halalakeno, i toxolakuwolu, i la kore xonokuwolu, i la kunnafirinŋolu gullo, sariya m'a yamaruya moxo xa toxosili lasi wolu ma. Sariya le be wo taxabulolu lategela.

Sariyasin 13 ^{nannŋo} : Tigiya boloxosariya be yamaruyanin anin xa lakanta bee nen. Moxo si halaalo me muta no a la fo n'a keta jama kunku ti, haali wo dun, bulotosaagi si ke a tigo nen x'a wasa.

Sariyasin 14 ^{nannŋo} : Moxo bee s'i hakilila fo, x'a la diino sugandi, x'a la bato ke, x'a la miiriya fo a sago la i x'o jamano sariya x'o pereperelatege ja men.

Sariyasin 15 ^{nanno} : Bee si kunnafirinsafe dara no awa bee nin kunnafirinjo xa xan. Lafasalitonjolu la yamaruya b'e bulu awa i s'i la baarolu ke no fo xa si i diyannehaxxo ma, fo n'a x'a tara sariya xa mennu bali.

Sariyasin 16 ^{nanno} : Nokubaaro nin lonkubaaro sigilo sin xan yamaruya be bee bulu. A be waleyala i xo sariya x'a latege na men.

Sariyasin 17 ^{nanno} : Sariya xa bee yamaruya i xa taxa i sagotoTaladula, i x'e sigi i diyanjedula, i xa dun i diyanjekafu to, xa je noxojekeno to anin tulunkeno to.

Sariyasin 18 ^{nanno} : Boloxosariya, baaro silatego la anin tofopolu silatego la, be yamaruyanin bee nen.

Fasudinjo bee xa xan xa baaro ke, bari baara jonjon sifa kilin me wajibiya no moxo si xan, fo n'a keta jama haajuninabaara jonjon do ti sariya be men dantegenin.

Sariyasin 19 ^{nanno} : Lafasalitonjolu sigilo be yamaruyanin. Lafasalitonjolu la yamaruya b'e bulu, awa i s'i la baarolu ke no na men x'e diya, fo nin sariya xa mennu bali.

Sariyasin 20 ^{nanno} : Baarabulo be yamaruyanin. A be kela sariya nin benxanjo sigininjolu xono.

Sariyasin 21 ^{nanno} : Kenfanjo baaradalu sigilo be yamaruyanin anin du, i be lakantanin sariya sigininjolu fe.

Sariyasin 22 ^{nanno} : Hadamadinjo bee ni laminin senun kuntaxalajanno xa xan.

DAKUN II : JAMANADINJOLU LA KETALU

Sariyasin 23 ^{nanno} : Fasudin wo fasudin, moxo wo moxo n'i be siginin Mali jamano xono, i xa xan xa sariyaxulo batu na bee ma.

Sariyasin 24 ^{nanno} : Fasuwo lafasalo mu wajibo le ti fasudinjo bee ma.

Fasudinŋo fen wo fen siyo doxoyaninba mu sanji 18 ti, si dun no sorodasiya to fasuwo lakantalo xanma.

Sariyasin 25 ^{nanno} : Lamininŋo lakantalo anin dunatotego keja newoyalo mu fasudinŋo bee nin fango kunku ti.

Sariyasin 26 ^{nanno} : Nin nanxatanŋo boyita jamano xan, fasudinŋo kilin wo kilin xa xan x'a sinkuwo bee ke, i xo sariya x'a fo na men.

Sariyasin 27 ^{nanno} : Fasudinŋo bee xa xan x'e la fasudinya boloxosariyalu waleya, xerexerenninya la x'e la sagallolu sara.

Sariyasin 28 ^{nanno} : Fasudinŋo bee kilin wo kilin xa xan x'e tesiti jama la heerasoto xanma, anin xa furubafenŋo batu, x'a lakanta.

Sariyasin 29 ^{nanno} : Yamaruya dita fasudinŋo bee kilinkilinna ma xa furubabaaro do ke walante xa ki furubabaaro do la, wo tigo xa xan x'o baaro ke tilinninya, hooroya nin ladiiya xono.

TALADULA II : JAMANO NIN FANMAHOOROYA

DAKUN I : JAMANO

Sariyasin 30 ^{nanno} : Mali mu jamana fanmahooroyanin, jamano men na kuwo tigiya b'a fan bulu, jamano men me tala no, awa a be lataxamala sariyafango sariyalu xono, jamana du mu diinolu nin hadamadinya be lasabatinin men xono.

A sigixanŋo mu jama la fanga sigininŋo, jama be fango men naborila anin fango be laborila jama men nen.

Mali la galluba mu Bamakon ne ti. Bari jamano dula xote si sugandi no xa ke galluba ti, n'o si ke sariya xono.

Mali jamano taagumanseedo mu faanuxono saba ti, mennu lokundanma xa xan : jujijima, sanujima, anin wulemanŋo.

A dasitixanŋo mu : « fasujama kilin-Kuntilinna kilin-Ŋanneya kilin ».

A majanmudonkilo toxo mu : « Mali » ti.

Sariya be fasuwo taagumanseedolu nin masitolu dantegela anin x'e la labaaralo lahalayalu n'i keŋalu pereperelatege.

Moxo wo moxo je jamano taagumanseedolu labaarajaxu anin x'e mafeya, sariya s'o tigo nangi.

Sariyasin 31 ^{nanno} : Fasuwo xanŋolu mu Mali xan yamaruyaninŋolu ti.

Sariya s'i labaarolu lahalayaw n'i keŋalu pereperelatege.

Tubabuxanŋo mu baarakexanŋo ti.

Jamano si xan xote sugandi no x'a ke baarakexanŋo ti.

Sariyasin 32 ^{nanno} : Diinebeexaŋano xoto nte xa diino nin lannayakuwolu b'e noxo to. A kuntilinna mu xa siginoxoya jiidi anin x'a sinsin, wo men be siginin muŋo, xumaŋoxoya anin noxofaamo xan.

Jamano si diinolu, lannayakuwolu, diinemayelemo, diineyito bee lafasa.

Sariyasin 33^{nanno} : Jamano mennu be siginin hadamadinya xan, wolu be sinsinnin noxodeema, kilinya, tilinninya, lakantalo anin buludinoxomo xan. Jamano si feere jonjonjolu tege wo xanma x'e waleya.

Sariyasin 34^{nanno} : Jamano baaralo xa xan xa tanbi silo mennu fe, wolu mu jamano la hooroya bunyalo, jamanadinjolu la sugandilolu anin i la nafalu lafasalo ti.

Sariyasin 35 ^{nanno} : Furubafango tigilamoxo si me i sinsinno sariyaxulo la fanga dininjolu xan walante sariya xan, xa fasuwo nafulo suɗa a fan jen walante fanganamoxolu jen, a la kore jen, baaradalu jen walante moxo xote jen x'a la tesilo xan, yuruguyurugo, nanbaro, sutofenmuto walante feere xotelu xan..

Sariyasin 36 ^{nanno}: Jamano lolanjolu mu :

- Jamanakuntigo ;
- Goferenaman ;
- Sariyatabulunba ;
- Kiititegebululabanjo ;
- Sariyaxulo la kiitibunjo ;
- Jamano nafulolu segesegekiitibunjo ;
- Soto, hadamadinya, lonkuwo nin nokuwolu toxolabulunjo.

DAKUN_II : JAMANO LA HOOROYA

Sariyasin 37^{nanno} : Jamano la hooroya mu jamanadinjo bee kunku ti ; ate le be moxolu sugandila wotekela fan na wote sinfe, walante hakililanininwote sinfe..

Jamanadinkafu si walante moxo kilin si me a lataxamalo tigiya ta no.

Sariyasin 38^{nanno} : Wote si ke jamanadinjo bee fe, sariya xono, gullo to.

Si wote no, i xo sariya x'a latege ja men, malidinjo bee kilinkilinna, i keta xeba ti wo, i keta musu ti wo, men siyo sita wote ma, n'a la fasudin boloxosariyalu n'a politikisariyalu man tija.

Sariyasin 39 ^{nanno} : Politikitonjolu si fango jini. I s'i toben anin x'e la baarolu ke sariya xono. I xa xan xa fasuwo la hooroya, sariyafango, jamano tulo a ja ma, a la kilinya a n'a la diinolu xaajano.

Sariyasin 40 ^{nanno} : Hadamdinyakafolu s'i la baarolu ke sariyafango xono i xo sariya x'a fo ja men.

Sariyasin 41 ^{nanno} : Fango si labori jamano duguxulo dula bee.

Jamano me a la duguxulo janjo do labula no muume ; wo be ja men, a la boloxosariya mennu b'a yamaruyala xa duguxulo lamara, a me wolu dulu labula no.

Moxo wo moxo n'i xo x'e be do tegela Mali duguxulo la, i xa janfa jaxuba le tege Mali ma.

Sariyasin 42 ^{nanno} : Jamano le sago be duguxulo nafulumafenjo bee to.

Nin nafulu innu tonobolo xa xan xa ke lamininjo lakantalisariyaw batulo xono anin bi moxolu nin sinin moxolu la nafalu xanma.

TALADULA III : LATEGELIFANGO

DAKUN I : JAMANAKUNTIGO

Sariyasin 43 ^{nanno} : Jamanakuntigo le mu fango namoxoba ti. Ate le be sariyaxulo lakantala. Fasuwo la kilinya tigiya b'ate le bulu. Jamano la fanmahooroya, a la kilinya, jamano nin jamana xotelu la benxanḡolu topotolo tigiya b'a bulu. A s'a hakilo tu jamano marafangolu lataxamalija beto la tuma bee.

Sariyasin 44 ^{nanno} : Jamanakuntigo le be jamano la politikitaxabulo lategela.

Sariyasin 45 ^{nanno} : Jamanakuntigo si sigi san luulu baara sarato xanma, wote sinfe. A la maro sarato me tanbi sinḡa fula xan xa jokki i noxo la..

Sariyasin 46 ^{nanno} : Moxo wo moxo men be jamananamoxoya nininna, wo tigo xa xan xa ke malidinḡo yerewulo ti, men na boloxosariya n'a la politikisariyaw man tija. A xa xan xa ke moxo tilinnin ti.

Jamananamoxoyanininna siyo doxoyaninba xa xan xa ke sanji 35 ti, a siyaninba xa xan xa ke sanji 75 ti xa ben a la lodulapininsafe bulalo ma, awa fango labaaralo barako xa xan xa k'a la.

Sariyasin 47 ^{nanno} : Jamanakuntigiwotelu si ke tili bi naani nin luulu kuntaxala xono (45) a dogoyaninba anin tili bi wooro kuntaxala xono (60) a siyaninba jannin peresidan sigininḡo la sigilisarato xa ban.

Sariyasin 48 ^{nanno} : Jama boxoba le be Peresidanḡo sugandila wote sinfe.

N'o korita xa sabati sinḡa folo to, wote kun fulananḡo si toben xa ben alahadi kun sabananḡo nata ma, men be lala wote kun folo jaabolu dilo xo, sariyaxulo la kiititegebunḡo le b'o kela.

Nin, tili worowula jannin wote kun folo xa ke, lodulajininna kilin sata walante barantoku x'a soto, sariyaxulo kiititegebulunjo si wote bula no waxati xote la, bari wo waxati kuto man xan xa tanbi tili tan nin luulu xan.

Lodulajininna fulo mennu la jama xa siya bee ta ti wote sinja folo to, woteku fulananjo be tobenna wo lelu n'i joxo te.

Lodulajininna men na jama je siyaya, wo le be sigila xa ke Peresidanjo ti.

Nin lodulajininna fulo do kilin sata walante a x'e sinbo walante nin barantoku x'a soto, keno si labula moxo sabananjo nen, men na jama siyata wote kun folo moxo tolu ta ti.

Nin lodulajininna do sata walante barantoku x'a soto wote kun fulo te, sariyaxulo kiitibulunjo si wote bono a loxo xoto, bari a je bula waxati kuto men na, wo man xan xa tanbi tili tan nin luulu xan.

Sariyasin 49^{nanno} : Sariyaxulo la kiititegebulunjo le be peresidanwote keja beto korosila ; a si hakilijakkabo ke maxasixanjo lu xan anin xa jaabi labanjo lu fo.

Sariyasin 50^{nanno} : Tobenno mennu be kela jamanakuntigo sugandilo to, sariya le b'olu dafala.

Sariyasin 51^{nanno} : Persidanjo la baara keta nin baara sifa xote si me ben no : politikilodulalu, sugandilo xa lodula xote d'a ma, furubabaara sifa wo sifa anin nafasotosilo fen wo fen.

Sariyasin 52^{nanno} : Peresidanjo be baaro kela sarato mennu xono, a fan me a njanne no, walante xa moxo xote bula xa fenjo do san a toxo la, walante xa moxo bula xa baara ke a toxo la, a be men sarala fasuwo halalakeno hukumo xono fo n'a x'a tara kiititegebunba x'o yamaruya sariya fe.

Peresidanjo la baaro sarato muume xono, a me bo no a fan to, walante xa moxo xote bula xa fenjo do san, walante xa moxo bula xa baara ke a si men sara xa jatinlin fasuwo halalakeno ma. A fan, walima a me a toxolamoxo bula no x'e sindun xantobulalolu jaabilo to, furubabaaro nin kenfanjebaarolu sabatilo hukumo xono, mennu be xarafanin fasuwo ma.

Sariyasin 53^{nanno} : Nin ku xa Peresidanŋo kori a la baaro ma waxati xono, minisirijamoxo s'a lodula ta wo waxato xono..

Sabaabo fen wo fen je Peresidan sigidula toxulunya waxati xono, walante x'a bali pewu, walante kudayi, x'a la baaro ke, n'o kunnafirinŋo sita sariyaxulo labatulibulunŋo ma, sariyatabulunŋo namoxoba, sariyatabulun fulananŋo (Sena) Peresidanŋo walante minisirijamoxo fe, a lodula si latanbi sariyatabulunŋo namoxoba ma. Nin kuwo do x'o du bali, walante n'a man son, walante n'a sata, Sena Peresidanŋo s'a lodula ta..

Peresidan kuto sigilo si ke tili bi xononto xono a doxoyaninba anin tili keme ni muxan xono a siyayaninba x'a ta sigidula toxulunyalo korosilo lunŋo ma, walante a balilo pewu sabaabo lonno x'a me a la baaro ke no.

Moxo men be bulala Peresidanŋo no to wo waxato xono, me ke no lodulajininna ti wo wote xono. Ni sigidula toxulunyata, notobulo me nin sariyaxulo sariyasin 57, 60, 69, 70 anin 184 labori no..

Sariyasin 54^{nanno} : Peresidan kuto men je sigi, wo s'a la baaro damuta peresidan xoto la sigilo sarato bantumo.

Sariyasin 55^{nanno} : Sanni a xa baaro damuta, Peresidanŋo si nin xalixan innu ke kiititege bulunba jama na la :

« Nte be n xalila Alan nin malidinŋolu bee jala xo n si Mali la sariyaxulo nin sariyalu batu anin x'e labatu, xa n na baarolu lakanta malidinŋo bee la heerasoto xanma, xa hadamadinŋo la boloxosariyalu n'a la hooroya lakanta, xa demokarasifango lakanta, xa jamano la kilinya, a la fanmahooroya anin a la duguxulo lakanta, n je ke jamano dula wo dula, n si n fan bula jamano la bulo xan anin xa kuwo bee ke xa fatafinna jamanolu la kilinya sabati.

Nin n xa nin xalixan in sooso, n s'a jinin malidinŋolu fe i x'e la lannaya muta n na awa sariya xa bori n xan.».

Sariyasin 56^{nanno} : Peresidan sigilo tulunḡolu banninḡo xo, xa tili worowula dafa, Peresidan kuto s'a halaalafenḡolu dantege Jamano nafulolu segesegekiiitibunḡo ḡamoxo anin jama ḡala. Wo dantegelixanḡo si lakutaya san wo san anin n'a la sarato banninḡo.

Jamano nafulolu segesegekiiitibunḡo Peresidanḡo si jamanadinḡolu kunnafirin wo dantegelo nin lakutayalo la..

Sariyasin 57^{nanno} : Peresidanḡo le be minisirinamoxo sugandila anin xa dan sigi a la baaro la. A si Goferenaman moxo tolu sugandi minisirinamoxo hakilila ḡinininḡo xo awa a si dan sigi i la baaro la.

Sariyasin 58^{nanno} : Minisirilu la ḡoxojo ḡamoxoya be Peresidanḡo le bulu. Minisirinamoxo s'a lodula fa a la yamaruya xono anin ḡoxojo sigikunḡo xan.

Sariyasin 59^{nanno} : Goferenaman benta safe mennu xonokuwo xan, Persidan si wolu latege x'e ke sariyalu ti tili tan nin luulu xo, x'a damuta i dunno lunḡo ma Goferenaman bulu..

N'a keta baranin ti, lategelo sarato si lasutuya no xa ḡigi tili sagi xoto.

Jannin nin sarato xa dafa, a s'a ḡinin sariyatabulunḡo fe a xa sariya walante xa sariyasinḡo dolu lategelixan kuta xote ta.

Ban me ke no wo lategelixan kuto talo ma anin du a si lategelo sarato den.

Sariyasin 60^{nanno} : Jamanakuntigo, x'a la a fan na hakilina taninḡo xan walante sariyatabulun fulo hakilila yitaninḡo xo, sariyaxulo kiitibunḡo hakilina dininḡo xo fasuwo la kunnafirinsafeba xono, si jamanadinḡolu hakilila ḡinin no wote sinfe fasuwo kunxankuwo ḡabolo, sariya bululaninḡo men be tali kela marafangolu tobenno la, walante men b'a ḡininna xa benxanḡo do sabati wo men nin sariyaxulo xonokuwolu nte fola i ḡoxo xo, bari n'a si tooro lasi jamano lolanḡolu ma. Nin ḡanneya innu bee si ta no Peresidanḡo fe, xa tali ke Goferenaman na laḡininḡolu la, sariyatabulunḡo la ḡoxojo waxato, walante sariyatabulunḡo fan laḡininḡo to.

Nin hakililajininwote jaabo keta sariya talo ti, jamanakuntigo s'a latege sariyasin 59 nanjo sarati bululaninjo xono.

Sariyasin 61 nanjo : Jamanakuntigo si jamano lahalaya dantege xumafota xono, depitelu jen, i la noxoje bululaninjo sinfe sanjo xono sinja kilin.

Sariyasin 62 nanjo : Jamanakuntigo nin sariyatabulunba fulo Peresidanjo s'i noxo xumanoxoya xibarusafelu la, a be peresidan fulo bulala xa menu xaran. Sariyatabulunba nin Sena s'i noxotara wo hukumo xono x'a tara a man ke sigili yamaruyanin ti.

Sariyasin 63 nanjo : Jamanakuntigo le mu kelefangolu nin lakantalifangolu jamoxoba ti. A be jamano la lakantakafo anin jamano la lafasalikomite la noxojolu jamoxoya tala..

Jamanakuntigo le be jamanadinjo la lawulilo yamaruyala anin fasudinjo sindunno kepalu pereperelategelo fasuwo lafasalo to n'a x'a tara jamano be lahalaya men xono lakantalo silatego la, wo b'o wajibiyenin.

Sariyasin 64 nanjo : Jamanakuntigo le mu kiititegelalu la jamoxoba ti.

Sariyasin 65 nanjo : Jamanakuntigo si yaafo sabati no kasoladinjo jen. A si kelesanjo sariyalu yita.

Sariyasin 66 nanjo : Jamanakuntigo s'a buluno bula yamaruyasafelu nin waleyasafelu la, menu tata minisirilu la ladalanoxojo sinfe.

Sariyasin 67 nanjo : Jamanakuntigo si moxolu sugandi fasuwo la baaradalu anin sorodasibulolu jamoxolu lodula xanma.

Fasuwo la jalalu marabaxo, sorodaasolu la jalatigibalu, fasuwo la lasiginjo, fasuwo la kiiladin xerexereninjo, marajamoxolu anin fasuwo la baaradalu jamoxo, ninu bee be sigila minisirilu la noxojeba la waleyalisafe le fe.

Moxolu be sugandila x'a la i la nokuwolu, i la lonjo anin i la ladiriya xan..

Sariyasin 68 ^{nanno} : Peresidanŋo le be jamano la lasigidinŋolu an'a la kiiladinŋolu xerexereninŋolu sugandila, x'e bula xa taxa jamana xote xono.

Sariyasin 69 ^{nanno} : Peresidanŋo keninma xo xa sariyatabulun fulo Peresidanŋolu xumaŋoxoya, a si sariyatabulunŋo telo latege no.

Sariyatabulunŋo telo me latege no a sigininŋo xaru tan nin fula folo xono, fo n'a yitata xo xoyilisafe do si muta no.

Wotelu si ke tili tan wooro xono a doxoyaninba walante tili keme nin muxan xono a siyaninba sariyatabulunŋo telo xo.

Sanŋo men be lanin wotelu xan, sariyatabulunŋo me te no wo xono.

Sarato men be pereperelategenin nin sariyasin in silakun sabananŋo xono, n'o sarato dafata, x'a tara wotelu man ke, sariyatabulun teninŋo si lasagi a la baarolu ma.

Sariyasin 70 ^{nanno}: N'a x'a tara jamano losinŋolu, jamano la fanmahooroya, jamano duguxulo dafaninŋo, saratixanba bulunobulaninŋo lawaleyalo xoleyata ŋajaxu ma anin tariya to anin n'a x'a tara jamano fangabundalu lataxamaja xoleyata, Peresidanŋo si sariya xerexereninnu ta nin lahalaha innu xa mennu wajibiya, minisirinamoxo, sariyatabulunŋo ŋamoxoba nin Sena ŋamoxoba anin sariyaxulo la kiititegebulunŋo Peresidanŋo.

A si xibarusafe do ke xa jamanadinŋolu kunnafirin.

Sariya x'a yita xo sariyatabulunba xonomoxolu s'i ŋoxoje.

Persidanŋo la nin fanga xerexerenin innu waleyalo man xan xa fe bula jamano la hooroya anin jamano duguxulo dafalo la.

Fanga xerexereninŋolu xa xan xa ŋataxo lasabati, sarati sutun xono, xa jamano losinŋolu lataxamalo sabati waxato bee, xa tali ke sariyaxulo la.

Fanga xerexereninḡolu la waleyalo kuntaxo xono, jamano losin si me te no walante xa den.

Feere mennu nin sariya be tali kela i joxo la n'i tata fanga xerexereninḡolu waleyalo waxato, si ke no fu ti nin sariyatabulunḡo m'e latege, tili tan xononto sarato xono i yamaruyaninḡo xo.

Sariyasin 71 ^{nannḡo} : Peresidanḡo s'a la lodula dolu di no minisirijamoxo ma. Peresidanḡo la kewalolu, mennu man ta ba la sariyasin 57, 60, 65, 69 anin 70 nannḡo xono anin silakun folo xono, minisirijamoxo buluno si kafu Persidanḡo ta ma, walante minisiri xotelu s'i buluno bula a la a be mennu kunḡo xan.

Sariyasin 72 ^{nannḡo} : Persidanḡo nin fenḡo mennu xa xan,, sariya x'olu dantege, awa a si tofoḡolixaliso du sotolo toben Peresidan xotoninḡolu, fee man bula mennu la boloxosariyalu jen.

Sariyasin 73 ^{nannḡo} : Peresidanḡo la jamanakuntigiya waxato xono, a si nomuta no kewalo dolu to, mennu si jaate no janfa jaxuba ti jamano ma..

Sariyatabulunḡo s'a lodula muta no a la x'a sabaabo ke janfa jaxuba ti.

Nin Peresidanḡo x'a la xalixanḡo sooso, a si fo wo ma xo janfa jaxuba.

Xoyilisafe hakilila be tala sariyatabulunḡo do kilin ne fe. A me muta no fo n'a x'a tara sariyatabulunḡo xonomoxolu talaninḡo saba ti, tala fulu x'e buluno bula a to.

A be sariyatabulunḡo men kunwo xan, wo s' a lasi baarabulu lafaamuyaninḡo ma ; wo si segesegelolu nin lameeli nafama sifa bee ke, wolu mennu sinfe, a s'a hakila di, nin xoyilisafe si muta no walante n'a me muta no.

Nin baarabulo x'a yita xo xoyilisafe me muta no, a kuwo si dabula..

Nin baarabulo x'a yita xo tanbi si ke no a kuwo fe, a si jalagilisafe dara x'a bula sariyatabulunḡo jama boxoba la xan sotoninḡo wote xono.

Nin son keta jalagilisafe ma, a si lasi sariyatabulunjo fulananjo ma, tili sagi sarato xono, awa a xa xan x'a hakilila di foja kilinnu ma tili tan nin luulu sarato xono. Nin son man ke jalagilisafe ma, xoyiloxumo si bula.

Nin sariyatabulun fulo benta a to xa jalagilisafe latege, wo si bange fango la suturo bolo ti jamanakuntigo xan.

Sariyatabulun fulo s'i noxotara noxojeba do to, xa hakilijakkabo ke Peresidanjo xoyilikuwo to. Xoyilo be lategela sariyatabulunjo xonomoxolu talaninjo naani te, wo tala sabo le fe.

Depite mennu sonta xoyilo ma, wo lelu la wote be jaatela.

Noxotara mennu be kela, kiititegebulunba labanjo le b'olu namoxoya tala.

Lafaasalo boloxosariyalu be jamanakuntigo bulu. A s'a diyajenmoxo do ta no x'a fan deema, taxabulo dakunjo bee to.

Lataxamasariya si nin sariyasin in waleyajalu pereperelatege.

Sariyasin 74 ^{nanno}: Jamanakuntigo si jangi no furubasariya kiititegebunjololu fe, n'a xa sariyasoosolu ke a la fango waxato xono.

A keta ja wo ja, Peresidanjo me wajibiya no xa ke seede ti, kewale me labori no a xan, a me wajibiya no xa kunnafirin jinin a fe, a me nomuta no f'a la sarato xa ban. Nangilisarato nin fojoxonxosarato bee si den.

A lodula tun be kenin x'a la nomutakuwolu bali, wolu bee si lawuli a nofe xaru kilin a la fangobulo xo.

DAKUN II : GOFERENAMAN

Sariyasin 75 ^{nanno} : Goferenaman xonomoxolu mu : minisirijamoxo nin minisirilu. Lataxamasariya si goferenama xonomoxo haxxo latege.

Sariyasin 76 ^{nanno}: Goferenaman si jamano taxabulo baaro ke, Peresidanŋo xa men pereperelatege. Maro b'ate le bulu.

Sariyasin 77^{nanno} : Minisirijamoxo mu Goferenaman jamoxo ti. Wo xanma a si Goferenaman na baaro ŋakunya ta.

A si sariya lawaleya. N'a bota sariyasin 66 nin 67 ^{nanno} tobennolu ma, a si sariyalafango labori.

A s'a lodula dolu di no minisirilu ma.

A si Persidanŋo notobula no minisirilu la ŋoxojo sinfe yamaruya xono, anin ŋoxojo kun lategeninŋo.

A s'a notobula jamano lakantalikafo anin jamano lafaasalikafo la ŋoxojo Persidanya la..

Minisirijamoxo la baarolu si bulunobula minisirilu fe menuu xa xan x'e waleya.

Sariyasin 78 ^{nanno} : Goferenaman moxolu be ŋafoli ke la Peresidanŋo le ŋen.

Sariyasin 79^{nanno} : Goferenaman xonomoxolu s'i la nafulolu dantegelisafe di jamano nafulolu segesegelikitibunŋo ma tili tan saba sarato xono i sugandininŋo xo.

Jamano la nafulolu segesegelikitibunŋo Peresidanŋo si jamanadinŋo lalon wo kewalo anin lakutayalolu la.

Sariyasin 52 ^{nanno} tobennolu si waleya Goferenaman xonomoxolu xan.

Sariyasin 80 ^{nanno} : Minisirijamoxo si Goferenaman na baara ketalu dantege sariyatabulunŋo xonomoxolu ŋen. Wo dantegelo si ke sariyatabulun fulo xonomoxolu bee ŋen tili tan saba a siyaninba, Peresidanŋo la dantegelo xo jamano lahalaya xan. Hakilifalinfalinŋolu si ke wo xan men be bangela lanininŋolu la x'a tara wote man ke.

Sariyasin 81^{nanno} : Minisiriya lodula nin nin baara innu me ben no : depiteya, baarabulo ŋamoxoya, xa ŋatilin fasuwo ma, walante sigida do ma, furubabaarada walante nafasotobaaro sifa wo sifa.

Sariyasin 82 ^{nanno} : Minisirilu si ŋangi no sariyatijawalolu to menuu je ke a la minisiriya waxato xono.

Santokiitibunjo le be nomutalo kela. Sariya be tegela kiitibun innu fe mennu be borila fasudinjo bee xan.

Men mu kiito to ti, kiitibunjo la nininxalolu anin kiititego, nangilisariyajuwo tobennolu si waleya..

DAKUN III : MARO

Sariyasin 83^{nanno} : Furubanafabaaro je ke sifa wo sifa ti, maro s'olu ke x'a la baaradalu sigikunṅolu xan.

Sariyasin 84^{nanno} : Maro si soto, hadamadinya nin lonkuwo yiriwalo sannayelo ke x'a ben jamano sigidalakulonningolu nafabobaxolu haajolu ma, tilinninya, hadamadinṅo la boloxosariyalu nin sariyafango batulo xan.

Sariyasin 85^{nanno} : Maro baarakelalu i la baaro xono, be wajibiyani xa furubabaaro lataxalisariyalu batu n'olu mu sariyalataxamo, xaṅano , dantekuto anin kuntaxala xono.

I xa xan xa kepalu ta menu be tali kela dunatotego keja nin jigo betolu sariyalu batulo la, xerexereninya la, dafaninya, tilinninya anin ladiriya.

Sariyasin 86^{nanno} : Jamano si feere tege, men s'a tu maro baarakelalu talo xa ke tilinninya xono n'o be bee xaṅana anin x'e la baaro kuntaxo sinsin baaro lonno dalilolu xan.

Sariyasin 87^{nanno} : Jamano si baaro, sakuwo nin lakantalo lahalayalu di maro baarakelalu ma, wolu menu s'a tu i la baaro si ke a ja ma..

DAKUN IV : FANMARAFANGOLU.

Sariyasin 88^{nanno} : Fanmara marafangolu s'i la baarolu ke, xerexereninya la foxabenṅo, sotobaarolu waleyalisariyalu, segesegelo nin korosilo, hooroyalu nin hadamadinṅolu la boloxosariyalu lakantalo, wotelu tobenno n'i topotolo hukumo xono.

Fanmara marafangolu sigita sariya le fe.

DAKUN V : SORODAASOLU NIN LAKANTALO KEBAXOLU ;

Sariyasin 89^{nanno} : Sorodaasolu nin lakantalo kebaxolu la baaro mu jamano duguxulo dafaninṅo lafaasalo, hadamadinṅolu n'i bulufenṅolu lakantalo, basigo sabatilo anin sariyalu waleyalo ti.

I si yiriwalo, hadamadinya, lonkuwo anin jamano lamininṅo lakantalo yiriwalibaarolu ke.

Sariyasin 90^{nanno} : Sorodaasolu nin lakantalikelalu be jamano la maro le xono. Benxanfangatigo lelu mu, politikimoxolu nte awa a be baaro kela politifango la maro xono.

Sariyasin 91^{nanno} : Jamano sorodaasolu me bula no basigibaaro la fo nin sariya x'e yamaruya.

Sariyasin 92^{nanno} : Jamano sorodaasolu n'a lakantabaxolu si bula no xa basigibaarolu ke jamano xoxan, Mali la saratixanba taninɲolu batulo hukumo xono.

Sariyasin 93^{nanno} : Fango la korosilo si bori jamano sorodaasolu n'a la lakantabaxolu xan tuma bee, ɲa men do si kafu kelekebaxolu ma anin xa baarakemiranɲolu d'i ma i la baarolu waleyalo xanma.

TALADULA IV : SARIYATAFANGO

DAKUN I : TOBENNIBALU

Sariyasin 94^{nanno} : Sariyatafango be labaarala depite lelu fe.

Sariyatabulunŋo le be sariyalu tala wote sinfe anin xa Goferenaman la baaraketalu xiime.

Sariyasin 95^{nanno} : Sariyatabulunŋo mu sifa fula ti : sariyatabulunba folo (depitelu) nin sariyatabulun fulananŋo (Senaterilu).

Noxojeba (Kongere) mu sariyabulun fulo la noxotaro le ti. Noxojeba namoxoya be sariyatabulunba Peresidanŋo le bulu, a namoxo lanxanŋo si ke Sena la Peresidanŋo ti.

Sariyasin 96^{nanno} : A si fo sariyatabulunba xonomoxolu ma xo depitelu.

Depitelu be sugandila san luulu le xanma wotekelalu fannu la wote sinfe. Wo si keno xaapaniwote, jama boxoba walante wo wote sifa fulo fe.

Malidinŋo mennu be jamano xo xan, wolu toxolamoxolu si ke sariyatabulunba xono bari wo keŋalu be lategenin sariya le fe.

Sariyasin 97^{nanno} : A si fo Sena xonomoxolu ma xo Senaterilu.

Marabulolu la moxo sugandininŋo lelu moxo dolu be tala Sena xono ; N'i xa Sena xonomoxolu tala sigidula naani ti, talaku saba si ke marabulu la moxo sugandinŋolu ti. Tala naaninanŋo si ke gallutigolu nin laadalamoxolu, malidinŋo mennu be siginin jamano xo xan anin moxoba mennu xa bunya soto x'a la i la baara keninŋolu to.

Sena moxolu la sigilisarato mu sanji luulu le ti.

Sariyasin 98^{nanno} : Moxo kilin me depite lodula ni Senateri lodula ta no.

Sariyasin 99 ^{nanno} : sariya le be depitelu sugandija pereperelategela. Ale du be Senaterilu sugandija pereperelategela.

Sariyasin 100^{nanno} : Lataxamasariya le be sariyatabulun fula in sugandilo, sugandilibaliyalu nin benbaliyalu keñalu pereperelategela. Ate le du be i notobulo keñalu pereperelategela nin lodula toxulunyata.

Sariyasin 101 ^{nanno} : Lataxamasariya si depitelu ni Senaterilu la sotolu n'i la nafalu latege.

Sariyasin 102^{nanno} : I sigininño xo tili tan saba sarato xono, depitelu nin Senaterilu s'i la nafulolu dantege jamano nafulo segesegelikiitibunba Peresidanño jen.

Nin dantegeli innu ni baara bulolu si lakutaya san wo san.

Jamano nafulo segesegelikiitibunba Peresidanño si jamanadinñolu kunnafirin wo dantegelo n'o lakutayalo la.

Sariyasin 103^{nanno} : Depitelu nin Senaterilu me sutura no fo n'a keta i la baaro xonola ti. Sariya s'i nomuta du, x'e jininxá, x'e muta, x'e dun kaso la, x'e kiiti xo sabaabo ke i hakilalu walante i la wote keninñolu sariyatabulunño la noxoñolu sinfe.

Sariyasin 104 ^{nanno} : Depite wo depite walante Senateri wo Senateri, men je ñangi moxofaxo to, wo tigo la depiteya walante a la Senateriya si ban sariya Minisiri fe. Wo be ña men, latilinninangilo si la depite walante Senateri xan, men kuntaxala mu san kilin walante san kilin nin do ti, sariyalayaafa nte men to.

Sariyasin 105 ^{nanno}: Sugandilo waxati haxxo wajjibyaninño mu fu le ti.

Depitelu la wote boloxosariyalu mu moxo kilin wo kilin na haxxo le ti. Lataxamasariya si notobulawote yamaruya xerexereninya la. Wo to, moxo si me yamaruya soto no xa wote moxo xote no to.

Sariyasin 106 ^{nanno} : Depite wo depite walante Senateri wo Senateri, n'i bot'e la politikitonño to, walante a be kafo men kufonin, wo tigo la depiya si ban.

Safelo le be sinbolo yitala. Parititon xote walante kafu xote todunno nin sinbolo bee kilin..

Depite walante Senateri sinboninŋo a fan ma, si notobula xa tali ke lataxamasariya lahaalayalu la.

DAKUN II : SARIYATABULUNŊO LATAXAMALO

Sariyasin 107 ^{nanŋo} : Sariyatabulunba nin Sena s'i noxoje, wajibo la, sigili bululanin fula to sanŋo xono.

Sigili folo si damuta okutoburuxaro tenen folo. A kuntaxo me siya no tili tan woronwula nin luulu ti.

Sigili fulanannŋo si damuta awirilixaro tenen folo awa a kuntaxala me siya no tili tan xononto ti.

Sariyasin 108 ^{nanŋo} : sariyatabulunba si noxojo ke sigili barantoninŋo xono ; wo si ke nin jamanakuntigo x'a lanjinin, walante ni depitelu walante Senaterilu boxoba x'a lanjinin, noxojekun mategeninŋo do xan.

N'a keta sigili barantonin ti, kunfaxalo waleyalisafe si ta nin sariyatabulunba xa sigilo sigikunŋo xonokuwolu ban, i kilita men na ; wo si ke tili tan nin luulu, x'a damuta a sigilo kililunŋo ma. .

Sariyasin 109 ^{nanŋo} : N'a man ke noxoje bululanin ti, Peresidanŋo si waleyalisafe ke xa noxoje barantoninŋolu dayele anin xe kunfaha.

Sariyasin 110 ^{nanŋo} : Depite walante Senateri be wajibiyanin x'e sindun baarabulolu la baarolu nin nafololibaarolu to, n'o nte sariyatabulunba nin Sena lataxamasariyalu s'a nangi.

Sariyasin 111^{nanŋo} : Sariyatabulunŋo kilin wo kilin s'a la lataxamasariya sigi. Noxojeba la lataxamasariya be sigila sariyatabulun fulo le fe.

Sariyasin 112 ^{nanŋo} : Sariyatabulunba Peresidanŋo nin Sena Peresidanŋo be sigila san luulu le xono.

Sariyasin 113 ^{nanŋo} : Sariyatabulunba Peresidanŋo nin Sena Peresidanŋo lodula si muta no i la, n'i me la baara ketalu ke a ja ma.

Xoyilisafe me muta fo n'a x'a tara sariyatabulunjo tala fulo tala saba to, x'e buluno bula a la.

Xoyilsafe me muta fo n'a x'a tara a be sariyabunjo men kunjo xan, wo xonomoxo talaku fulo taladula saba to, x'e buluno bula a la.

Xoyilifeere si me miiriya no sariyatabulunjo Peresidanjo walante Sena Peresidanjo sigininjo san fula.

A be sariyatubulunjo me kunxan, wo xonomoxolu jama boxoba, n'o jama talaku saba ti talaku naani to, le be xoyilo lategela, bari wo be kela xonotosariya le fe. Xoyilo si latege jama boxoba fe, sariyabun kufoninjo talaku fulo talada saba to, i x'o wo be kufonin ja men xonotosariyalu fe.

N'a keta xoyiliku ti, sariyatabulunba Peresidanjo walante Sena Peresidanjo si peresidan kuto sigi xa tali ke xonotosariya la keja mategeninjo la. Peresidan kuto si peresidan xoyininjo la sigisarato do dafa. Nin xoyilo keta, sariyatabulunba walante Sena si peresidan kuto sigi i xo wo be nafonin ja men xonotosariya fe. Peresidan kuto si Peresidan lawulininjo la sigisarato to lasi.

Sariyasin 114 ^{nanno} : Bee si taxa no sariyatabulun fulo la sigilolu to. Bari, a s'a njanneya no a la sigilo xa ke a gullo to, nin peresidan x'o laninin. Xonotosariya s'o kejalu latege.

Hakilifalinfalinjo lu nafolliba si safe jamano la kunnafirinsafeba xono.

DAKUN III : SARIYA NIN TAXABULOLU

Sariyasin 115 ^{nanno} : Sariya be wotela jama boxoba doxomandinjo le fe.

Mu sariya xonokuwo dolu, sariyaxulo sariyasinjo lu xa sariya mennu k'a do ti.

Fasudinya boloxosariyalu anin jamanandinjo lu be boloxosariya mennu nafa bola, xa natilin jama la hooroya ma, lakantalo men be natilinnin jamanandinjo lu ma an'i halalafenjo lu.

Jamano la lafaasalo xa hakililayito mennu wajibiya fasudinjo lu xan, wolu mu :

- - fasudinya, fasudinya boloxosariyalu, hadamandinjo lu lahaalayalu n'i nokuwolu, kore taxabulo, notobulalolu, tigiya taxabulo, boloxosariya jonjonjo lu nin jaagukuwo la ku wajibiyaninjo lu, kafolu taxabulo, mutannalolu ;

- Nangilo menu be borila sariyatinalu (moxofaxolu, boyixannolu...), kiito taxabulo, kiititegela deemabaxolu (polisolu), moxo borininjo lasaagilo, yaafo, kiititegebunḡolu lolo, kiititegebaarolu ;
- Furubabaarakelalu kilin wo kilin be bulo men xan ;
- Sorodaasolu nin lakantalikelalu kilin wo kilin be bulo men xan. ;
- Sariyatigo kilin wo kilin be bulo men xan ;
- Santoxaranbunḡo lekolikaramoxo pininnikelalu be bulo men xan ;
- - baara kilin kelalu la tonḡo ;
- lafaasalo nin lakantalo tobennalu ;
- baaro boloxosariya, hadamadinḡo lakantalo boloxosariya, lafaasalotonḡo boloxosariya ;
- Xaranḡo nin pininno ;
- Fasuwo lonkuwo n'a nokuwo an'a la fen xotolu ;
- Musaaxolu nin sotolu jaatebolo ;
- - lamininḡo lakantalo ;
- Furubabaaradalu dayelelo, i tobenna an'i korosilo ;
- - kenfanḡo baaradalu bulalo jamano la bulo xan, jamano furuba halalabaaradalu bolo jamano la bulo xan anin i la yelemalo kenfanḡo la bulo xan. ;
- Wote taxabulo ;
- Sigidalakuloninḡolu sagolamaralo ;
- marabulusigo ;
- jamano duguxulo topotolo n'a mutalo ;
- soto tobenna ;
- - kiitikuwo tobenna ;
- - kasoladunḡo taxabulo.

Nafulukuwo sariya si fango la sotolu n'a la kundonolu latege lataxamasariya hukumo xono.

Bululasariyalu si jamano la soto, a la hadamadinya, a la lonkuwo anin lakantalo kuntilinnalu latege.

Sariyasin 116 ^{nanno} : Sariya man kewalo mennu kufo, wolu bee si jaate no sariya xonofenno ti.

Sariyasafe mennu tata x'a tara nin sariyaxulo in man wote, Peresidanngo si wo yelema no waleyalisafe la, santokiititegebunba la yamaruya xono.

Nin sariya in mennu waleyalo je damuta nin sariyaxulo in sigilo xo, waleyasafe me wolu yelema no fo n'a x'a tara sariyaxulo x'a yita xo tobenninbenxanngo lelu mu.

Sariyalu nin taxabulolu si gansi fasuwo la kunnafirindisafe xono.

Sariyasin 117 ^{nanno} : Depite lelu be yamaruyanin xa kelo lategeli xumo fo noxojeba xerexereninngo sinfe, bari jama boxoba le b'o lategela.

Jamanakuntigo si jamanadinngolu lalon xibarusafe do fe.

Sariyasin 118 ^{nanno} : Fango la waxatilakorosilo nin jamanadalasigo latego be tala minisirolu la noxojo le sinfe.

Do kafulo i ma, xa tanbi tili tan nin luulu la, be yamaruyala saritabulunba xonomoxo boxoba le fe. Sariya s'o kejalu latege.

DAKUN IV : XA NATILIN TESILOLU MA MENNU BE WALEYALIFANGO NIN SARIYATAFANGO

TE

Sariyasin 119 ^{nanno} : Jamanakuntigo nin sariyatabulunngo xonomoxolu lelu be kafula xa sariyalu hakilina ta.

Hakilifalinfalinngo be kela sariya mennu xan, wolu be lategela minisirolu la noxojo le sinfe, santokiititegebunngo la hakilina dininngo xo, wo xo, i si ki sariyatabulun fula in do kilin na biro ma.

Nafulukuwo sariyalu porose be yitala folo, sariyatabulunngo le la.

Sariya porose mennu kuntilinnalu mu duguxulo tobenno ti, sigidalakulonningolu taxabulo, galutigolu nin laadalamoxobalu taxabulolu, anin sariya porose mennu be tali kela lamininngo nin malidinngolu xan, mennu be jamano xo xan, be dantegela Sena moxo lelu folo jen.

Sariyatabulun fulo la joxojo kunjo be lategela Goferenaman ne fe x'a damuta sariya porose hakilifalinfalinjo ma xa tax'a bula sariya dantegeninjo

Sariyasin 120 ^{nanno} : Sariyatabulunjo xonomoxolu nin Goferenaman be yelemalo kelo yamaruyanin b'olu bulu n'o si ke sigili keno xan walima baarabulolu xono, xa tali ke sariyatabulun fulo la xonotosariyalu la.

Hakilifalinfalinjo damutaninjo xo, Goferenaman si ban no yelemo bee segesegelo ma, mennu man yita a la xa xoto.

Sariyasin 121 ^{nanno} : Goferenaman la baara bululaninjo waleyalo xanma, a si yamaruya jinin no sariyatabulunba fe, xa feerelu ta, sarati dansigininjo xono, mennu be sariya hukumo xono, yamaruyasafe la.

Yamaruyasafe mennu tata minisirolu la joxojo sinfe, santokiitibunjo hakilila jininno xo waleyalo si damuta n'i lategeta, bari i si ke fuwo ti nin sariya porose senbentiyata man bula sariyatabulunjo la bulo xan sannin waxati lategeninjo te sariya fe. Sarato men be safenin nin sariyasin silakun folo xono n'o sarato tanbita, yelemo me dun no yamaruyasafelu to fo n'a keta sariyalu ti.

Sariyasin 122 ^{nanno} : Nin Goferenaman x'a lapinin, dantegelo men keta, sariyatabulunjo s'a hakilina di wote sinfe sariyasafe fesefeseta xan, bari yelemo mennu yitata walante son keta mennu ma Goferenaman fe, wo lelu be tala.

Dantegelo nin yelemo mennu keta sariyatabulunjo moxolu fe, wolu me muta no n'i lategelo nanfinjo si ke furubasotolu doxoyalo ti walante furubamusaaxolu sigilo walante i jaxuyalo ti, fo n'a x'a tara nin dantegeli innu walante yelemolu nte tali kela sotolu la.

N'a korosita xo sariyalu safetumo, dantegelo walante yelemo nte sariya hukumo xono, Goferenaman s'i ban no a mutabaliya ma. N'a keta benbaliya ti, goferenaman nin sariyatabulunjo te a dantegeta men na, sariyatajuba si hakilifalinfalinjo k'a xan tili sagi sarato xono, Goferenaman walante sariyatabulunjo peresidanno la lapininjo xono.

Sariyasin 123 ^{nanno} : Porose fen wo fen, sariya walante dantegelo si fesefese sariyatabulun fulo fe a sariya noxon lategelo xanma.

Hakilifalinfalinno menu be kela sariya poroselu xan, sariyatabulun folo la, sariya yitaninno xan Goferenaman fe.

Nin sariya lategeninno lasita sariyatabulunno do ma, sariyatabulunno to kilinno fe, si sariya latege men nasita a ma.

Nin fonoxxo dunta sariyatabulun fulo te, porose do walante sariya yitaninno man latege, a xaranno xo sariyatabulun fulo fe walante nin Goferenaman x'a yita xo a kuwo xa tari, a xaranninno xo sinja fula sariyatabulun fulo fe walante nin Goferenaman x'a yita x'a kuwo xa tari, a xaranninno sinja kilin i kilinkilinna fe, minisirjnamoxo si baarakebulo do la noxoko do bulula no men xa xan wo sariya noxon dantege tobenni tolu xan.

Baarakebulo la sariya safeninno si dantege no Goferenaman fe lategelo xanma sariyatabulun fulo la. Yelema fuyi me dunno nin sariya to fo nin Goferenaman sonta a ma.

Nin baarakebulo korita furubasariya lategela walante nin wo sariya man latege i xo silakun labanno x'a fo na men, Goferenaman si, sariyatabulunno nin Sena kenin ma x'a xaranku fulananno ke, a ninin sariyatabulunno fe xa lategeli labanno ke.

Wo to, sariyatabuluno si yelema dun no baarakebulo la sariya daraninno to, walante a xa sariya men wote, walante a la sariya yelemaninno taninno, n'o nte, Sena la yelema lategeninno fe.

Sariyasin 124 ^{nanno} : Sariyaxulo xa nin sariya menu ke lataxamasariya ti, wolu si wote nin keja innu ma :

- Porose walante dantegelo xaranku folo to, me latege no sariyatabulun fulo la wote to fo tili tan nin luulu sarato banninno a bulaninno xo. ;
- Sariyasin 123 ^{nanno} taxabulo si waleya ;
- Sariyatabulun fulo jama boxoba le b'a lategela.

Wo bee tanbininŋo xo, nin sariyatabulun fulo man ben ku to, sariya si latege a xaranku fulananŋo to sariyatabulun fulo jama boxoba fe.

Lataxasariyalu me latege no, fo nin sariyaxulo x'a yita x'e nte sariyaxulo soosola.

Sariyasin 125 ^{nanno}: nafulukuwo sariya bululaninŋo Sariyatabulunŋo ma kabirin sigili bululaninŋo damuto la sanni baarakenafulo segesegelo xa ke.

Nin sariyaabulunba man fen fo sariya xaranku folo xono tili tan naani sarato xono nafolu porose bulaninŋo xo, Goferenaman si Sena hakilila ninin tili tan nin luulu sarato xono, n'o si lategelo ke tili tan nin luulu sarato xono. Sariyasin 123 ^{nanno} taxabulo si waleya.

Nin sariyatabulunŋo man fen fo tili tan worowula sarato xono, Goferenaman si baarakenafulo dara xa tali ke san tanbininŋo sotolu la nafulolu segesegelikiiitibunŋo hakilila nininŋo xo.

Sariyasin 126 ^{nanno} : Minisirinamoxo si, x'a la a fan na miirina xan, walante sariyatabulunŋo do kilin na lapininŋo xono, dantegelo ke no ku mategeninŋo do xan, hakilifalinfalinŋo si ke me xan x'a tara wote man ke.

Sariyasin 127 ^{nanno} : sariyabulunŋo si Goferenaman na baaro korosi.

Sariyatabulunŋo xonomoxolu si nininxali safeninŋolu ke no minisirolu la ; minisirolu xa xan x'o nininxalolu jaabi tili tan nin luulu i sotoninŋo xo. Nininxalolu nin jaabolu si gansi jamano la kunnafirinsafeba xono.

Sariyatabulunŋo xonomoxolu si nininxali fotalu nin waxato nininxalolu ke no minisirolu la xa tali ke keja mategeninŋolu la, sariyatabulunŋolu la xonotosariya la.

Sariyasin 128 ^{nanno} : sariyatabulunŋo bee kilinkilinna si segesegeli baarakebulolu sugandi n'olu la nokuwolu nin tobennijalu anin lataxamalolu be lategenin a xonotosariya fe.

O n'a ta bee, segesegeli baarakebulu me sigi no n'a x'a tara ku ketalu bangeta nomutalolu la kiiitibundalu la. Nin baarakebulo do sigita, a la baaro si ban nin kunnafirinŋininŋo do damuta kiiititegelalu fe menu be tali kela a sigikunŋo la.

TALADULA V : XA NATILIN KIITIFANGO MA

DAKUN I : TOBENNIBALU

Sariyasin 129 ^{nanno}: Kiitifango nte dennin sariyaborifango nin sariyatafango la. A si lataxama santokiitibunba nin, nafulukuwo segesegelekiitibunjo nin kiititegebunjo to lelu fe.

Fonoxonxo nabolifeerolu n'olu si ke no laadalajabolo ti, wolu be yamaruyanin sariya la keja mategeninjololu fe.

Sariyasin 130 ^{nanno} : Hooroya mennu be kufonin nin sariyaxulo in xono, kiitifango s'olu lakanta. Hooroya mennu be kufonin nin sariyaxulo in xono, kiitifango s'olu lakanta. Xa tali ke sinjo mennu be labulanin a nen, a si fasuwo sariyalu lataxama.

Sariyasin 131 ^{nanno} : Sariya be lategela Mali fasudinjo lelu toxo la.

Kiitibunjololu la lategelolu be kela xa tali ke sariya waleyalo le la tilinninya xono.

Kiititegololu si ke sariya nin taxabulolu la sarati lategeninjololu xono mennu be waleyaxan, n'o nte si nangi.

Sariyasin 132 ^{nanno} : kiititegelalu be baaro kela sariya la fango le xono. Kiititegelalu me labo no i no to.

Sariyasin 133 ^{nanno} : kiititegela fen wo fen, n'i me la baaro ke tilinninya nin hooroya xono, wo si jaate baaro to fili jaxuba ti awa n'o keta, i si nangi no, x'a tara baga man k'e ma, n'o nte sariyalanomutalolu si ke x'a tara a man ke gasitoku ti.

Sariyasin 134 ^{nanno} : Kiitifango la fanmahoorya be lakantanin jamanakuntigo le fe.

Sariyatigololu la kafuba s'a deema wo baaro la.

Sariyasin 135 ^{nanno}: Sariyatigololu la kafuba s'a hakilo tu sariyatigololu la i la baaro kuntaxo xono. A s'a feela yita sariyatigololu la fanmahoorya kuwolu xan.

A si latege i xo kiititegelalu la nangilikafo.

Sariyasin 136 ^{nango} : kiitilaŋininna si si no sariyatigikafuba ma i n'a fo lataxamasariya x'o keŋalu latege ŋa men.

Sariyasin 137 ^{nango} : sariyatigikafuba xonomoxo tala mu moxolu ti mennu nte kiititegelalu ti.

Sariyasin 138 ^{nango} : lataxamasariya do si sariyatigikafuba la baarolu, a xonomoxolu, a tobenno n'a lataxamasariyalu latege.

DAKUN II : XA NATILIN SANTOKIITIBULUNBA MA

Sariyasin 139 ^{nanno}: Santokiititegebulunba le be kiititegebunŋo bee sanna kiitikuwo hukumo xono. A si fonoxonxolu kiiti anin xa segesegelelu ke.

Sariyasin 140 ^{nanno} : Santokiititegebulunba si xuma kiito lapininniŋolu ma mennu be natilinnin kiiti teginniŋolu jaabo ma, xa tali ke a la ketalu la.

Sariyasin 141 ^{nanno} : santokiititegebulunŋo s'a fela fo boloxosariyakuwo bee xan n'olu be tali kela a la ketalu la.

Sariyasin 142 ^{nanno} : santokiititegebulunŋo namoxoya be kiititegela do le bulu men sugandita peresidanŋo la waliyalisafe fe xa tali ke sariyatigikafuba la sugandilo la.

Peresidan lanxanŋo nin santokiititegebulunŋo xonomoxo tolu be sugadila wo na kilinŋo lelu ma.

Sariyasin 143 ^{nanno} : lataxamasariya do si santokiititegebulunŋo la baarolu, a xonomoxolu, a tobenno n'a lataxamasariyalu latege.

DAKUN III : XA NATILIN SARIYATAJUBA MA

Sariyasin 144 ^{nanno} : Sariyaxulo kiitibunŋo be lataxamasariyalu nin sariyalu segesege men s'a tu a si lon n'i nin sariyaxulo be tali kela i joxo la, xa natilin hadamadinŋo la boloxosariyalu ma.

Ate le be jamano lolanŋolu anin marabulolu lataxamalo korila.

Sariyasin 145 ^{nanno} : Sariyaxulo kiitibulunŋo xonomoxolu mu moxo xononto le ti ; a si fo wolu ma xo konseyelu.

Konseyelu la sigilisarato mu san worowula le ti men me lakutaya no.

Sariyaxulo xonomoxolu be sugadila ten ne :

- Jamanakuntigo si moxo fula sugandi ;
- Sariyatabulunba peresidanŋo si moxo kilin sugandi ;
- Sena peresidanŋo si moxo kilin sugandi ;

- Kiititegekafuba si moxo kilin sugandi ;
- Lekolikaramoxo jininnikela fula furuba boloxosariya xan fula mennu be sugandila kafu fe n'o xonomoxolu mu santoxaransuba namoxo fula ;
- - awokalu la kafo si moxo kilin sugandi.

Konseylu be sugandila lekolikaramoxo jininnikelalu furuba boloxosariya xan, awokalu anin kiititegelalu lelu to, mennu xa sanji tan nin luulu noxon ke baaro la, anin moxo faamuyaninŋolu jamaano xa mennu lakulon.

Konseye mennu janxa sugandi ten, peresidanŋo la waleyalisafe le b'olu la talo senbentiyala.

Sariyasin 146 ^{nannŋo} : sariyatajuba peresidanŋo topono lelu b'a sugandila.

Nin ku x'a bali x'a lodula fa waxati xono, konseye men xa xoto i bee ti, wo s'a lodula ta.

Nin konseye do sata walante x'a baaro bula a fan ma, konseye kuto si sugandi fangabunda yamaruyaninŋo fe anin a s'a la sigilisarato to dafa.

Sariyasin 147 ^{nannŋo} : a be wajibiyaniin sariyaxulo kiitibulunŋo ma xa lataxamasariyalu xonokuwo lon jannin i xa jenjen anin sariyatabulunba, Sena anin noxojeba xonotosariyalu lon jannin i xa waleya.

Jamanakuntigo le be lataxamasariyalu lasila sariyaxulo kiitibunŋo ma jannin i xa latege.

Sariya sifa tolu, jannin i xa latege, si bula no sariyaxulo la bulo xan jamanakuntigo, sariyatabulunba peresidanŋo fe walante depitelu 1/10 (moxo tan to moxo kilin) fe, Sena peresidanŋo fe walante Senaterilu 1/10 fe (moxo tan to moxo kilin).

Sariyatabulunba nin Sena xonotosariyalu si bula sariyaxulo kiitibulunŋo la bulo xan wo lolanŋolu peresidanŋolu fe jannin i xa waleya. Wo be na men noxojeba xonotosariya du b'o na ne.

Nin sariyaxulo hakilila jininta, lategelo waxato si den.

Lajininjo menu be yitanin sariyasin 1 nin 3 ^{nanno} silakunjo lu xono, sariyaxulo si sigi tili tan saba sarato xono. Wo bee n'a ta, n'a keta ku baranin ti, Goferenaman s'a ninin sarato xa ke tili sagi ti.

Sariya dantegeninjo men nte tali kela sariyaxulo xan, wo me latege no, walante x'a waleya.

Sariyasin 148 ^{nanno} : Sariyaxulo kiitibulunjo si sigilo ke jamano lolanjo lu la ketalu fojoxoxokuwolu to. Fojoxoxokuwolu be lolanjo menu te, wo lelu be sariyaxulo kiitibunjo la hakilila nininna.

Sariyasin 149 ^{nanno} : Sariyaxulo kiitibunjo le be jamanakuntigo sugandilo anin hakililajinin wotelu keja segesegele n'a x'a tara i keta sariya xono.

Sariyasin 150 ^{nanno} : n'a keta soosoli ti, sariyaxulo kiitibunjo si sigi x'a mafele nin depitelu nin Senaterilu sugandilo keta a ja ma.

Sariyasin 151 ^{nanno} : Sariyaxulo kiitibunjo hakilila si ninin, nin ban keta wote jaabi senbentiyaninjo ma, lodulajininna do, politikitonjo do, walante wotelu tobenni baarada fe.

Sariyasin 152 ^{nanno} : Jamanolu nin i joxo te saratixanjo menu be kufonin sariyasin 182 ^{nanno} xono, jamanakuntigo nin sariyatabulunjo peresidanjo walante moxo tan to moxo kilin, walante Sena peresidanjo walante Senaterilu moxo tan to moxo kilin s'olu lasi sariyaxulo kiitibunjo ma jannin i xa latege.

Sariyaxulo kiitibunjo si segesegele ke tili tan saba sarato xono, n'a x'a tara nin saratixan innu xonokuwo dolu be sariyaxulo soosola.

Wo bee tanbininjo xo, nin barantoku nata, wo sarato si ke tili sagi ti nin jamanakuntigo x'a lajinin.

Saratixan wo saratixan n'a be sariyaxulo soosola me latege no.

Sariyasin 153 ^{nanno} : N'a x'a tara kiito do be sinto, jamanadinjo do xa men lajinin x'a la sariya boloxosariyalu nin hooroyalu toxosilo xan, wo kuwo si lasi sariyaxulo kiitibunjo ma nin santokiitibunjo x'a lasaagi.

N'a x'a tara sariyaxulo kiititegebunŋo x'a yita x'a nin sariyaxulo xonokuwolu nte i noxo tala, kiitibunŋo si sigilo lalo fo sariyaxulo kiititegebunŋo la lategelo muta.

Sariya dantegeninŋo si bo a ma, n'a nin sariyaxulo kiititegebunŋo xonokuwolu nte noxo tala x'a la silakun labanŋo xan.

Lataxamasariya do si nin sariyasin lategelijnalu waleyalo pereperelatege.

Sariyasin 154 ^{nanno} : Saagili me ke no sariyaxulo kiititegebunŋo la lategelolu la. A la lategelolu si wajibiya furubabaarada bee, marafango, kiitifango anin jamanadinŋo bee ma.

Sariyasin 155 ^{nanno} : Lataxamasariya si sariyaxulo kiititegebunŋo tobenno nin lataxamalo sariyalu latege, anin i la tanbisilolu.

DAKUN IV : JAMANO LA NAFULOLU SEGESEGELI KIITIBUNŊO

Sariyasin 156 ^{nanno} : Jamano la nafulolu segesegeli kiitibunŋo le mu furubanafulolu segesegelo nin furubanafulolu korosilo kiitibunba ti. A la ketalu be tali kela sariyalu, segesegelo anin naninno.

Sariyasin 157 ^{nanno} : Jamano la nafulolu segesegeli kiitibunŋo si Goferenaman nin depitelu deema nafulukuwolu sariyalu waleyalo korosilo la, anin furubapolitikikuwolu xiimelo la.

Sariyasin 158 ^{nanno} : Jamano la nafulolu segesegeli kiitibunŋo si jamano furubafenŋolu (xaliso nin miranŋolu) jaatebolalu kiiti. A si jaatebobaarolu segesege n'a xa tara i b'e kexan sariya xono, a s'i dantege anin x'e latilin.

Sariyasin 159 ^{nanno} : Jamano la nafulolu segesegeli kiitibunŋo si, waxato bee, segesegeli ke a fan ŋen, walante jamanakuntigo, minisirijnamoxo, sariyatabulunba peresidanŋo walante Sena peresidanŋo.

Sariyasin 160 ^{nanno} : Jamano la nafulolu segesegeli kiitibunŋo si politikitonŋolu la nafulolu segesege.

Sariyasin 161 ^{nanno} : Moxo mennu be kufonin sariyasin 56, 79 anin 102 ^{nanno} xono, bee xan x'e la nafulo dantege Jamano la nafulolu segesegeli kiitibunjo la.

Sariyasin 162 ^{nanno} : Jamano nafulo segesegelibulunjo Presidanjo nin bulunxonomoxo tolu be sugandila Jamanakuntigo la yamaruyasafe le fe, x'a ben sariyatigulo la kafo hakilila ma.

Sariyasin 163 ^{nanno} : Lataxamasariya si jamano nafulolu segesegelibulunjo la baarolu, a tobenna n'a lataxamalisariyalu n'a taxabulo latege.

TALADULA VI : XA NATILIN SOTO, HADAMADINYA, NOKUWO, LONKUWO NIN LAMININJO TOXOLABULUNJO MA

Sariyasin 164 ^{nanno} : Soto, hadamadinya, nokuwo, lonkuwo nin lamininjo toxolabulunjo si feero nin dabaro bee ke sotokuwo, hadamadinyakuwo, lonkuwo, nokuwo anin lamininjo lahalayalu bee to.

A s'i sindun nafasotokuwo tonbulolu bee to, xa natilin sotokuwo, hadamadinyakuwo, lonkuwo, nokuwo anin lamininjo la, a sin si dun wo baarabololu bee to.

Sariyasin 165 ^{nanno}: Soto, hadamadinya, nokuwo, lonkuwo nin lamininjo toxolabulunjo si nafolisafe dara, men be tali kela jamanadinjolu hammitokuwolu, i haajolu n'i kunkuwolu la. Jamanadinjolu la lapininjolu nin jamakafo la xoleyalu si safe nafolisafe in xono. Nafolisafe in si dara x'a di Peresidanjo, minisirijamoxo anin sariyatabulun fulo Peresidanjolu ma.

San wo san, anin Goferenaman si kafu xa nafolisafe in na lapininjolu xiime.

Sariyasin 166 ^{nanno}: Soto, hadamadinya, nokuwo, lonkuwo nin lamininjo toxolabulunjo si hakilina ta no xa napininu ni hakilinayitolu ke, fen wo fen n'a be t'ali kela sotokuwo, hadamadinyakuwo, lonkuwo, nokuwo anin lamininjo la, n'o mu jamano hammitoku ti.

Napininjo mennu keta, wolu nafolisafelu si jamanakuntigo, minisirijamoxo anin sariyatabulun fulo peresidanjlu ma.

Sariyasin 167 ^{nanno} : Jamanakuntigo si soto, hadamadinya, nokuwo, lonkuwo nin lamininṅo toxolabulunṅo hakilila nininna folokuwolu sariya porose bee la, bululaliporose walante bululalisariya la.

Peresidanṅo la nininno xono, a s'a hakilina di sariyalu poroselu xan, yamaruyasafelu nin waleyalisafelu xan mennu be tali kela a la baarolu la.

Sariyasin 168 ^{nanno} : soto, hadamadinya, nokuwo, lonkuwo nin lamininṅo toxolabulunṅo xonomoxolu fele :

- lafaasalitonṅolu, tonṅolu baarakekafolu toxolamoxolu ;
- musolu nin dindinṅolu la kafolu toxolamoxolu ;
- tunṅarankelu toxolamoxolu ;

Moxo xote dulu si k'a xono mennu be sugandila x'a la i la lonniyalu xan, sotokuwo, lonkuwo, lamininkuwo nin lokuwo hukumo xono.

A si fo soto, hadamadinya, nokuwo, lonkuwo nin lamininṅo toxolabulunṅo xonomoxolu ma xo jamano la konseyelu.

Sariyasin 169 ^{nanno} : Soto, hadamadinya, nokuwo, lonkuwo nin lamininṅo toxolabulunṅo moxolu s'i noxojo ke san wo san sigi bululanin fula to, mennu kilinkilinna kuntaxo mu tili tan saba ti, Peresidanṅo la yamaruya xono.

A si noxoje barantoninṅo ke no Peresidanṅo la nininno xono walante xonomoxo jamaba la nininno xono ; wo kuntaxo me tanbi no tili tan xan. Kililo nin dataxunno waleyalisafe be tala jamanakuntigo le fe.

Bee si taxa no, soto, hadamadinya, nokuwo, lonkuwo nin lamininṅo toxolabulunṅo la sigilolu to.

Bari, a s'a ṅanneya no a la sigilo xa ke a gullo to, nin peresidan x'o lapinin.

Sariyasin 170 ^{nanno} : Soto, hadamadinya, nokuwo, lonkuwo nin lamininṅo toxolabulunṅo be sigila a toṅoxo lelu fe sigili folo dayeletumo sanji luulu xono.

Sariyasin 171 ^{nanno} : Soto, hadamadiya, nokuwo, lonkuwo nin lamininjo toxolabulunjo xonomoxo si me nomuta no, xa jini walante xa kiiti x'a la a hakilila foninjo xan joxojolu sinfe.

Sariyasin 172 ^{nanno} : Soto, hadamadiya, nokuwo, lonkuwo nin lamininjo toxolabulunjo Persidanjo si xoyi no n'a m'a la baarolu k'a ja ma.

Xoyilisafe me muta no nin bulunjo xonomoxolu talaku sabo taladula naani to m'e buluno bula a la.

Xoyili si miirina me ta no Peresidanjo la sigilo san fula folo xono.

Xoyilo be lategela bulunjo xonomolu talaku sabo le fa taladula naani to ; lataxamasariya le b'o kejalu lategela.

N'a keta xoyili ti, bulunjo si Peresidan kuta sigi i xo sariya x'o fo ja men ; wo kejalu be lategela lataxamasariya le fe. Peresidan kuto si Peresidan xoyininjo la sigilisarato to dafa.

Sariyasin 173 ^{nanno} : Tobenno, bulunjo xonomoxolu la lataxamalisariyalu n'i sugandija, be lategela lataxamasariya le fe.

TALADULA VII : XA NATILIN DUGUXULO TOBENŊA MA

Sariyasin 174 ^{nanno} : Mali duguxulo tobenno be sinsinnin fango walanwalanno nin marabulusigo le xan.

Jamano duguxulo be talanin fangabundalu nin marabulolu ti.

Sariyasin 175 ^{nanno} : Fangabundalu jamano fangolu sigidula n'i la baaradula ti.

Sariyasin 176 ^{nanno} : Marabulolu mu jamanadinŋolu sigidula ti, i s'i sindun no i fannu la kuwolu nabolo to dula men.

I s'i fannu mara i sago la ; wo si ke i fannu la moxo sugandininŋolu fe n'o keŋalu be pereperelategenin sariya fe.

Sariyasin 177 ^{nanno} : Fangabundalu nin marabulolu si sigi anin xa tee sariya fe.

Sariyasin 178 ^{nanno} : Jamano si marabulolu la yiriwali beto korosi, xa tali ke noxodeema la jamano xono.

Wo to, a si lonniyalu nin soto xerexereninŋolu di no, sariya hukumo xono, marabulolu janŋo bee ma, jamano la kilinya n'a duguxulo dafalo batulo xono.

TALADULA VIII : XA NATILIN GALLUTIGOLU NIN LAADALAMOXOLU MA

Sariyasin 179 ^{nanno} : Gallutigolu nin laadalamoxolu mu jamakafo la lanbelu marabaxolu ti ; i si noxomuto nin hadamadiya sinsin, xa fojoxolu kunben anin x'e nabo.

Gallutigolu nin laadalamoxo sifalu, i la ketalu anin i sindunno kuwolu to kejalu be lategenin sariya fe.

TALADULA IX : XA NATILIN FATAFINNA LA KILINYA MA

Sariyasin 180 ^{nanno} : Mali jamano nin jamana xote si ben no kafujoxonmo benxanḡolu to, menu be tali kela a la jamano boxo do walante a bee labulalo ti fatafinna la kilinya sabatilo xanma.

TALADULA X : XA NATILIN SARATIXANSAFELU NIN BENXANSAFE TANINḡOLU DUNA JAMANOLU FE

Sariyasin 181 ^{nanno} : Jamanakuntigo si hakilijakkabo ke benxansafelu xan folo wo xo, a s'a senbentiya. Xumajoxoya fen wo fen be kela n'o be labanna benxansafeba ma, men nte senbentiya, a si kunnafirin wolu bee la.

Sariyasin 182 ^{nanno} : Benxansafe menu be tali kela basigo, jaago, benxansafe walante saratixansafe menu be tali kela duna tonbalu la, menu be tali kela nafulubo ma jamano kun, menu be tali kela hadamadinḡolu kejalu la, ninnu me latege no nin sariya xonola nte. I me labaara no fo nin son ket'e ma walante x'e senbentiya.

Sariyasin 183 ^{nanno} : Benxanḡo walante saratixanḡo menu je latege walante xa son i ma, wolu fango si bunya sariya ta ti, i jenjenninḡo xo. Bari a me ta ba la fo benxanḡo tabaxo menu x'e buluno bula a la, wolu bee x'a waleya.

TALADULA XI : XA NATILIN LAKUTAYALO MA

Sariyasin 184 : Peresidanŋo nin depite lelu be sariyaxulo lakutayalo hakilina tala.

Lakutayalo porose walante a yitalo si latege wote sinfe, ni depitelu talaku sabanan fula sonta a ma.

Lakutayalo me ke lakika ti fo n'a senbentiyata hakililajininŋo xo.

Sariyasin 185 ^{nannŋo} : lakutayali hakilina si me ta no nin duguxulo janŋo do be mutanin.

Sariyafanga jamano, jamano la diinabeexaŋo, jamanakuntigo la sugandilo waxati haxxo anin politikitonŋolu siyayalo, yeleva me dunno wolu to.

TALADULA XII : XA NATILIN TOBENNI XEREXERENINŊOLU MA

Sariyasin 186 ^{nannŋo} : Mali jamano fango bee sinsinnanŋo mun sariyaxulo le ti.

Jamanadinŋolu nin banbaxanteya xa xan sariyafango lakantalo xanma.

Sariyasin 187 ^{nannŋo} : Fango diyakuwatalo walante fango talo gido la be jatela sariyatija le ti men xa xan xa jangi.

Sariyasin 188 ^{nannŋo} : Kewalo fen wo fen keta x'a tara buluno man bula sariyaxulo in na, nin jamanadinŋolu yaafata wolu ma, wolu me nomuta no, xa segesege walante xa kiiti ja si ma.

TALADULA XIII : XA NATILIN WAXATILATANBI TOBENNOLU MA

Sariyasin 189 ^{nannŋo} : Sariya men be laborixan, wo si tu sinto bawo a nte nin sariyaxulo soosola anin du a nte a dabulalo nte bululanin.

Sariyasin 190 ^{nannŋo} : Fo xa taxa a bula jamano lolan kutolu bulalo la sin xan, lolan sigininŋolu si tu x'e la baarolu n'i la ketalu waleya.

O n'a ta bee, santokiitibulunba la baarolu si ban nin nin sariyaxulo in lategeta.

TALADULA XIV : XA NATILIN TOBENNI LABANŊOLU MA

Sariyasin 191 ^{nannɔ} : Moxolu hakilila si ninin nin sariyaxulo in xan. Nin jama boxoba sonta a xonokuwo ma, waxatilanbifango Persidanŋo si sariya latege tili sagi hakililajininŋo jaabi labanŋolu jenninŋo xo sariyaxulo fe.